

Adroddiad i'r: Pwyllgor Craffu Perfformiad

Dyddiad y Cyfarfod: 5 Ebrill 2012

Awdur yr Adroddiad: Cydgysylltydd Craffu

Teitl: Rhaglen Waith Craffu

1. Beth yw byrdwn yr adroddiad?

1.1 Mae'r adroddiad yn cyflwyno rhaglen waith y Pwyllgor Craffu Perfformiad i'r dyfodol, i'r aelodau ei hystyried.

2. Pam cyflwyno'r adroddiad hwn?

Gofyn i'r Pwyllgor adolygu a chytuno ar raglen arfaethedig o waith i'r dyfodol i'w chyflwyno i'r Pwyllgor newydd ar ôl etholiadau awdurdod lleol mis Mai, a diweddarau'r aelodau ar faterion perthnasol.

3. Beth yw'r argymhellion?

Bod y Pwyllgor yn ystyried yr wybodaeth a gyflwynwyd ac yn cymeradwyo, diwygio neu newid ei raglen waith i'r dyfodol, fel y tybia'n briodol.

4. Manylion yr adroddiad

4.1 Mae Cyfansoddiad Cyngor Sir Ddinbych yn gofyn i'r pwyllgorau craffu baratoi ac adolygu rhaglen ar gyfer eu gwaith i'r dyfodol. Trwy adolygu a blaenoriaethu materion, gall yr aelodau sicrhau bod y rhaglen waith yn cyflwyno agenda a arweinir gan yr aelodau.

4.2 Gofynnir felly i'r Pwyllgor ystyried ei raglen waith ddrafft ar gyfer cyfarfodydd yn y dyfodol, fel y manylir yn atodiad 1, a chymeradwyo, diwygio neu newid y rhaglen fel y tybia'n briodol gan gymryd i ystyriaeth:

- faterion a godwyd gan aelodau'r Pwyllgor
- materion a gyfeiriwyd ato gan Grŵp Cadeiryddion ac Is-gadeiryddion Craffu
- perthnasedd blaenoriaethau'r Pwyllgor / y Cyngor / y gymuned
- Cynllun Corfforaethol y Cyngor ac Adroddiad Blynyddol y Cyfarwyddwr Gwasanaethau Cymdeithasol
- baich gwaith y cyfarfod
- amseroldeb
- canlyniadau
- materion allweddol a gwybodaeth i'w chynnwys mewn adroddiadau

- trefnu pynciau addysg sy'n gofyn am bresenoldeb aelodau cyfetholedig statudol addysg
 - swyddogion a/neu Aelodau Arweiniol y Cabinet y dylid eu gwahodd (ac ystyried os yw eu presenoldeb yn angenrheidiol neu'n ychwanegu gwerth)
 - cwestiynau i'w holi i swyddogion / Aelodau Arweiniol y Cabinet
- 4.3 Wrth ystyried eitemau i'w cynnwys ar y rhaglen waith yn y dyfodol, efallai y bydd yr aelodau yn ei chael yn ddefnyddiol ystyried y cwestiynau canlynol wrth benderfynu ar addasrwydd pwnc i'w gynnwys ar y rhaglen waith:
- beth yw'r pwnc?
 - pwy yw'r rhanddeiliaid?
 - beth sy'n cael ei ystyried mewn man arall
 - beth y mae angen i'r pwyllgor craffu ei wybod, a
 - phwy allai gynorthwyo?
- 4.4 Fel y crybwyllwyd ym mharagraff 4.1 uchod, mae Cyfansoddiad Cyngor Sir Ddinbych yn gofyn i bwyllgorau craffu baratoi ac adolygu rhaglen o'u gwaith at y dyfodol. I gynorthwyo gyda'r broses o flaenoriaethu adroddiadau, os yw swyddogion o'r farn bod y pwnc yn haeddu amser i'w drafod ar agenda fusnes y Cyngor, mae angen iddynt wneud cais ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n esbonio pwrpas, pwysigrwydd a chanlyniadau posibl materion a awgrymir. Nid oes ffurflenni cynnig o'r fath wedi eu derbyn i'w hystyried yn y cyfarfod hwn.
- 4.5 Gorfodi Cynllunio
 Fe gofia'r Aelodau bod y Pwyllgor wedi gofyn am adroddiad yn manylu adnoddau ariannol ac adnoddau eraill sydd ar gael i'r tîm gorfodi cynllunio a'i berfformiad o ran cyflwyno ei wasanaethau. Yn anffodus, nid oedd modd cael adroddiad yn barod ar gyfer y cyfarfod hwn, ac felly gyda chaniatâd y Cadeirydd, mae cyflwyniad yr adroddiad wedi ei ohirio tan gyfarfod yn y dyfodol.
- 4.6 Rhaglen Gyfarfodydd 2012/13
 Yn ddiweddar, cytunodd y Cyngor Sir ar ei raglen o gyfarfodydd ar gyfer y flwyddyn ddinesig i ddod. Ar ôl etholiadau awdurdod lleol ar 3 Mai, bydd angen i'r Cyngor benodi Arweinydd, a fydd wedyn yn penodi aelodau i'r Cabinet cyn gellir penderfynu ar aelodaeth pwyllgorau. O ganlyniad bydd hyn yn golygu oedi cyn y bydd y pwyllgorau newydd yn cyfarfod am y tro cyntaf. Cynhelir y cyfarfod craffu cyntaf ar 31 Mai pan fydd y Pwyllgor Craffu Partneriaethau yn cyfarfod. Nid yw'r Pwyllgor Craffu Perfformiad i gynnal ei gyfarfod cyntaf tan 28 Mehefin, a chan nad yw'r Cyngor yn cyfarfod yn ystod mis Awst, ni chynhelir ei gyfarfod nesaf tan 6 Medi. Canlyniad yr atodlen gyfarfodydd newydd hon yw bod rhaglenni busnes cyfarfodydd Mehefin a Medi yn cynnwys mwy na'r nifer dymunol o bedair eitem yr un. Bydd Grŵp Cadeiryddion ac Is-gadeiryddion Craffu yn trafod rhaglenni gwaith i'r dyfodol ar gyfer yr

holl gyfarfodydd yn ei gyfarfod ar 29 Mawrth a bydd yr argymhellion sy'n deillio o'r drafodaeth honno yn cael eu hadrodd i'r Pwyllgor yn ei gyfarfod ar 5 Ebrill gyda golwg ar ddatrys y broblem gyda'r rhaglen.

4.7 Rhaglen Waith y Cabinet i'r Dyfodol

Mae copi o raglen waith y Cabinet i'r dyfodol ynghlwm yn Atodiad 2. Efallai y bydd y ddogfen hon yn ddefnyddiol i'r Pwyllgor wrth ystyried materion i'w cynnwys yn ei raglen o waith i'r dyfodol

4.8 Cynnydd ar Benderfyniadau'r Pwyllgor

Mae tabl yn crynhoi penderfyniadau'r Pwyllgor yn ddiweddar ac yn hysbysu'r aelodau o'r cynnydd ar eu gweithredu ynghlwm yn Atodiad 3 i'r adroddiad hwn.

5. Sut mae'r penderfyniad yn cyfrannu at y Blaenoriaethau Corfforaethol?

Bydd gwaith craffu effeithiol yn cynorthwyo'r Cyngor o ran cyflawni ei flaenoriaethau corfforaethol yn unol ag anghenion y gymuned a dymuniadau trigolion. Bydd datblygu ac adolygu rhaglen waith gydgyssylltiedig yn cynorthwyo'r Cyngor o ran monitro ac adolygu materion polisi.

6. Beth fydd yn ei gostio a sut fydd yn effeithio gwasanaethau eraill?

Efallai y bydd angen i'r gwasanaethau ddyrannu amser swyddog i gynorthwyo'r Pwyllgor gyda'r camau a nodwyd yn y rhaglen waith i'r dyfodol, a chydag unrhyw gamau a all ddeillio ar ôl ystyried yr eitemau hynny.

7. Pa ymgynghori a fu?

Nid oes angen ymgynghori ar gyfer yr adroddiad hwn. Fodd bynnag, mae'r adroddiad ei hunan a rhoi ystyriaeth i'r rhaglen waith i'r dyfodol yn cynrychioli proses ymgynghori gyda'r Pwyllgor mewn perthynas â'i raglen o waith i'r dyfodol.

8. Pa risgiau sydd ac a oes unrhyw beth y medrwn ei wneud i'w lleihau?

Nid oes unrhyw risgiau wedi eu hadnabod mewn perthynas ag ystyried rhaglen waith y Pwyllgor i'r dyfodol. Ond, trwy adolygu ei raglen o waith i'r dyfodol yn rheolaidd, gall y Pwyllgor sicrhau bod meysydd risg yn cael eu hystyried a'u harchwilio pan gânt eu hadnabod, a gwneud argymhellion gyda golwg ar ddelio â'r risgiau hynny.

9. Pŵer i gymryd y penderfniad

Mae erthygl 6.3.7 Cyfansoddiad y Cyngor yn nodi bod angen i bwyllgorau craffu'r Cyngor baratoi ac adolygu rhaglen o'u gwaith i'r dyfodol.

Swyddog Cyswllt:

Cydgysylltydd Craffu

Ffôn: (01824) 712554

Ebost: dcc_admin@denbighshire.gov.uk